

651.

1434 Mai 22

Cunz Lindener bekennt eine Schuld und verpfündet seinen Acker.

fol. 110v ^{(a)Wyßit} ^(b)daz Cuncz Lyndener^b) bekanth hat, das er Claren Czulenroders kinde schuldig sy hundert rynischze gulden und 10 guldin, dar von er ir jerlichen von 10 guldin eynen guldin czu czinsze reichin und geben sal. Und wenne das kint syn gelt wyder habin wil, so sal er ir ir gelt wyder geben und hat ir darvor czu pfande laszin schr(eiben) syne egker, dy von der stad zu lehin gehin, das sy sich irer obgeschr(iebenen) haubtsumme und czinsze daran erholin sal. Actum sabbato ante trinitatis anno etc. XXXIII^o. Auch ist bereth, ab er sy an golde nicht gehaben mochte, das er sy bezalen sal mit gr noch wertschaft.

a) alles durchgestrichen b-b) über die Zeile geschrieben, ersetzt durchgestrichen das Friczsch Rudel

652.

(1434 Mai 26)

Glasberg verweist den Rat bezüglich Zinszahlungen an den alten Horlemann.

fol. 110v Actum in vigilia corporis Christi hat uns Glaseberg vorwysit mit 20 guldin rynischze jerlicher czinsze an den aldin Horleman, dy er om vorsaczt hat vor 2 hundert rynischze gulden.^{a)} Den czinsz 20 Gulden er jerlichin hebin sal uff unserm rathuse solange das om Glaseberg adir syne erben dy wydir abe loszin vor czwey hundert gulden noch inhalt syns haubtbryfes. Actum in vigilia corporis Christi coram proconsule Treutwins et sociorum eius.

a) folgt durchgestrichen das

653.

(1434 Oktober 28)

Hensel Folgmar bekennt eine Schuld.

fol. 110v Actum die Symonis et Jude hat Henszel Folgmar bekanth, das er Nickel Schobir vom Smolen schuldig sy 4 gulden und eyn ort.¹⁾ Dy hat er om globet zu bezalen eyn orden 2 guldin uf ostern schirst komende und darnoch dy 2 gulden yn unserm jarmargkte an vorczog anno quo supra.

1) ein Viertel